



Dal comité d'organisaziun dals Dis da litteratura han fatg part quest onn (da san.) Anita Simeon, Linus Berther e Silvana Derungs.



Han prelegi intgins da lur raquints: Dumeni Capeder, Claudia Cadruvi e Göri Klainguti, il qual na sa lascha betg gugent fotografar.

FOTOS F. ANDRY

Herbi e Fred han intgantà

Istorgias or da la vita da pensiunads

■ **(anr/fa) Er sch'el è gia en la vegliadetgna da pensiun è restà il caricaturist Peter Haas activ. Als 17. Dis da litteratura ha'l preschentà ses nov cudesch numnà «Herbi e Fred».** Grond interess per la vernissascha dal cudesch da Peter Haas: Blera glied da Domat, er da quels da lingua tudestga, era vegnida sonda avant mezdi als Dis da litteratura. La sala da la chasa da scola Tircal era bain occupada cur che Peter Haas è cumparà sin tribuna. «Sunter che la

scienza e tut ils sociologs han prognostigà per l'avegnir in augment rasant da las persunas en la vegliadetgna da pensiun – u forse er ina damaun cur che jau m'hai contemplà en il spievel – hai jau cumenzà a m'interessar per ils pensiunads», ha'l ditg als preschents. El ha stgaffi las duas figuras Herbi e Fred. Ch'i saja da dir che quests dus amis sajan figuras dal tutfatg fictivas, ha intunà Peter Haas.

Cumbinà comic, caricatura e cartoon

Sia ovra è sco ch'el ha ditg ina maschaida tranter comics, caricaturas e cartoons. «Herbi e Fred hai jau laschà nascher gia sco pensiunads», ha'l cuntinuà, «e jau als preschent en situaziuns tipicas per ils seniors.» Ch'i dettia per quels da tuttas sorts puschidas sco gimnastica, academies, curs da ballar ed er rabats per seniors, ha'l agiunt, «damai bler material

per in caricaturist per tematisar.» Er l'editur Hanspeter Lebrument ha gratulà

a Peter Haas per sia nova ovra: «Igl è garantià ad el da stgaffir in pitschen stgazi

litterar, il qual po senz'aver avair er ina cuntinuaziun», ha ditg Lebrument.



L'interess per ils Dis da litteratura era er quest onn grond.

Emprimas caricaturas en il «Nebelspalter»

Peter Haas (annada 1933) è creschì si a Domat ed ha lavurà fin 1978 sco laborant da chemia. Il plaschier da disegnar aveva'l gia da pitschen. Uschia è'l daventà in caricaturist autodidact. Emprimas cartoons ha el pudì publitgar 1961 en il «Nebelspalter». El ha gi uschè in grond success ch'el ha pudì lavurar a temp cumplain sco caricaturist, disegnader da maletgs animads: «Il salep e la furmicla», film 1980; «Invasion vom Planet Kar», 1990) e comics «Istorgia dals Rumantschs», I/1987 e II/1990 (texts: Felix Giger); «He Gilbert», 2000 ed er sco graficher da reclama (seria da placats per la «BZ» e la «LQ» en ils onns 1990).



Martin Cabalzar salida Urs Cadruvi.



Clau Scherrer e Rilana Cadruvi durant ina producziun.